



樂善堂全集卷二十七

古體詩

擬古七首

離離山頭花青青
墻上草天天松下
桃芄芄阪田稻
雨露苟不及指日成枯槁
空谷有佳人幽閒而靜好
憶昔出門時蛾眉未曾掃
日夕待舅姑小心奉粟棗
夫君久不見出身事君早
只戀

樂府詩集卷二十七
洛陽花不返洛陽道日暮掩柴扉脈脈空房老
露蟬掛高樹聲入西北樓晚景可憐生傷心樓
上頭羅衣掩秋扇風度寒颼颼伊人天一方遠
戍并涼州家居有如此冰雪况遲留深悔失斟
酌却令覓封侯

織成鴛鴦錦裁成鴛鴦被鴛鴦本同心同生亦
同死嗟哉末世人其心不如此朝愛芳草青暮

憐野花紫野花得意時芳草正委靡

堂堂復堂堂義和何奔忙三日不見君見君髮
半蒼五日別故人故人天一方世事如飄蓬聚
散那有常中庭羅酒漿烹豚判肥羊滿酌金屈
卮笙簫奏兩旁勸君且飲酒莫負好時光
天地一逆旅光陰乃過客如何百年中更促駒
過隙勞勞長安道役役洛陽陌車馬爭春風管

絃擁上席但見庭中花那見路旁柏柏樹日以老落葉無人掃朝夕牧兒來拋磚擊神道

冬至羣芳歇松柏乃青青衆人賞後凋松柏轉傷情傷情亦何爲見賞歲寒時歲寒不可回良材將安施不如同枯槁免使獨樹奇君子苟相顧莫信桃李姿

玉繩橫長夜斗柄向西指寒風拂象牀爽氣生

蘭肥美人傷獨處拜月更衣起去年月圓時良人同妾視今年月滿時出門求金紫金紫亦難求得之何足喜不如早言歸與君長共此

馬賁牧牛圖

平川苜蓿含煙綠牧童羣集雲山曲烏犍遠放晚風涼偷閒笑語相徵逐但願禾稼如雲收足供租賦免賣牛安得太守如龔遂腰間樂勸解

樂善堂藏書
卷二十七
吳鈞夕陽在山尋歸路煙氣濛濛暗林樹河中
一幅景物繁監門圖繪意略具

中樞歌

秉鉞託干城坐謀稱媪相奏對百官前供奉金
華上諛詞飾進報功勳中樞威燄天下聞健兒
自衛弱攻戰董兵權重唐監軍嗚呼徽宗猶不
悟自恃可用唯宦豎草竊雖平內寺橫坐令宋

室成南渡

青青水中蒲三首

青青水中蒲如劍森池沼下有雙鴛鴦同生亦
同老

青青水中蒲間以芙蓉花自問無顏色相對重
咨嗟

青青水中蒲忽萎秋風裏終始不離波嗟君不

似此

鴈奴謠

臨秋霜信排空書雌雄一失爲衆奴飛隨天際
不敢後爲恐羣鴈相招呼蘆荻蕭蕭白花亞成
羣分偶眠秋夜寄語彎弓美少年當時何不連
雙射

丹青樹

終南有佳樹其名曰丹青孤幹挺百尺上結車
蓋形青赤葉相間望若錦繡明崔黃好手筆一
一畫難成抽條應春和呈祥藉地靈鳥雀不敢
巢映日獨蔥菁梁棟未試用徒傳奇樹名不如
松杉質猶足架軒楹良材苟終棄空勞造化生

度竹鐘聲

月窻清映檀欒影細吟輕籟孤梢靜蕭疎透響

樂書堂集 卷三十一 五
送霜鐘招提何處山僧醒韻雜琅玕度綺寮點
滴寒更發深省玉露頻敲淅瀝微斷續如傳青
籟冷今宵參破耳根禪乍迴殘夢清懷永

古別離

古別離天上牽牛織女星一年一見徒含悲銀
河清淺欲度難何況白槐虧蔽之人間有怨婦
七夕夜半嗚嗚啼空抱心事不得訴仰窺雙星

欲寄詞鵲橋歲一駕猶有交會期那似良人戍
隴上生去未必生還歸

唐寅秋林高士圖

寒溪引入仙鄉深一川風景含秋林霞衣雲帔
結知心徘徊稱意羞華簪或浮輕舸或卧岑把
釣蘆舸垂絲沈有來童子斜抱琴高山流水彈
清音擎空松柏虬龍吟白鷗爲伴浮碧潯商山

樂善堂集 卷之七 七 七
遺跡復見今寐於晚籟寒窓侵生綃一幅重南
金唐君妙筆何森森乘槎他日擬追尋祇今卧
游瀟湘滌煩襟

新月

七月哉生明露坐寥天潤碧梧影漸稀清映蛾
眉月古鏡吐微芒銀鈎光出没况當早秋夕素
娥逾皎潔對此新光流逸想隨時發盈虧始何

年照耀無休歇古來對月人胡爲流波忽際茲
玉輪生胸懷正清越無須秉燭遊何用上探窟
對月不暢吟轉瞬三五闕

七夕詞

孤桐泣露闌干濕絳河迢遞離懷急雙星契濶
動經年寶婺生塵掩雲笈歡娛却被離恨牽天
雞喚曙良宵殘誰家弱婦高樓上何處金針玉

樂善堂全集 卷三
指穿弱婦穿鍼羣乞巧那知箇裏光陰老萬里
遠戍祁連城十年不返長安道長安月夜臨風
歎空羨雙星渡銀漢龍轉旋轡鵲橋收天上人
間腸共斷

弋鴈篇

三秋月如水風雜喧菰蒲羣鴈自北至飛飛集
平湖穩向沙汀宿夢與秋波俱誰與弋鴈者巧

計突澤虞潛身葦岬側持燈照鴈奴鴈奴嗷嗷
叫羣鴈驚眠初避射各分飛旋顧矰繳無無端
迴幽夢共疾鴈奴誣喙啄更爪擊忍辱聲嗚嗚
雌雄各安眠孤身痛始蘇弋者還復來噤口不
敢呼隨意恣弋取滿載尋歸途我聞傳此事把
筆長嗟吁嗟吁意何爲覽古興懷紆諫官君耳
目讒者百計圖一朝誅斥盡旋亦亡其軀干刻

續書室集 卷五 詩
周代殷員沉越滅吳自閉其耳目古今嗤至愚
嗚呼興亡事視此竟何殊

見桃下栽松感而有作

園中種樹羣芳滋幾年榮長紛葳蕤或列山側
或傍池同蒙雨露爭參差阿誰位置失其宜山
桃下植青松枝蜿蜒未放擎空竒甘爲蒨蔽嗟
何辭春日抽條綠葉披勢高獨占陽和私葱蘢

待到歲寒遲吁哉已過煦嫗時我欲借問場圃
師種植顛倒意何爲青松磊落龍鳳儀山桃弱
質人所嗤胡居松上茂蔭垂因循坐令虬枝萎
自古掄材還若茲坐對感慨抒幽思安得橐駝
妙手移或棄山桃付芟夷良材俾沐三春曦他
年梁棟誠堪期

饑鶴行

樂善堂集 卷十七
松陰顧步霜翎拂徘徊本是山林物秋澄鏡浦
魚深潛饑腸獨立金風疾雲間萬里青田遙雙
翅新剪難冲霄主人稻粱恩未報仰唳長空天
沈寥

羽林執戟郎

香衢走馬雄風生蹴踘場開連夾城朝遊玉墀
春如畫夜醉青樓酒似澗青樓留宿金貂脫拚

却一生花底活野老吞聲哭忍饑兒今執戟黃
金闥

題劉松年武夷九曲圖憶聞之蔡先生

武夷層巘嵐煙碧水野山村變朝夕桃源祇許
一舟通就中疑有神仙跡聞之先生八閩客爲
余曾說山川僻當時與寄玉筍峰嗟吁道阻未
尋屐錢唐筆墨超凡格半幅霜綃圖咫尺題詩

九曲足卧遊還似書窓話疇昔

少年行

邯鄲美少年平生好仗義白日佩劍出里門一
聲叱咤千人避捨身只爲意氣投生憎富貴誇
交遊爲君復讐望君報千杯一醉酒家樓

雨

夜窓響芭蕉曉荷亞洲渚誰知夢覺中一枕新

秋雨牀頭蠟屐閒起走繞廊柱葛衫不禁風微
涼添幾許

同五弟月夜舟歸

湖波瀲灩當秋澄一輪寒浸秋月明上下清光
星斗燦輕舸打槳中流行萬籟闐寂天在水蘆
葦點點飛流螢長空沈寥堪妙會鴈行拈韻欣
同賡詩成泊岸松窓卧還聽沿階蟋蟀鳴

遠將歸

欲別恨時促將歸恨日長
庭前繫馬雙垂楊爲君再整羅衣裳
去時路卽歸來路別後新歡應勝故
記得曾攀弱柳枝卽今瀟灑成枯樹
今宵夢不到天涯垂垂銀燭初成花
欲訴離愁猶未了一聲雞喚東方曉

城門歌

城門閉兮言路開
羣驚鐵騎燕山來
城門開兮言路閉
處堂燕雀欣得計
同盟已悞復和親
坐令汴水成灰塵
小舟黎陽渡五日
却笑南朝無一人
君不見當時首禍由
童貫纔見邊烽先鼠竄

廢宅行

蛛絲密織珊瑚箔
銅扉雙敞堪羅雀
花開寒砌

爲誰妍鳥啄風箏珠玉落當年甲第禁人窺此
日塵生秘閣帷繚垣欹倒村童入折取庭前丹
桂枝老翁驚視傷衷曲憶種茆檐領芳馥薰人
勢醜強移栽曾折儂家數間屋

題沈周山水畫卷

碧潭水澄泓古樹風蕭索巖巒巒濃淡間村墅辨
依約當年林隱人常住箇中樂筆思紛縱橫老

手石田作神韻足卧遊爽籟生陰壑一篇高士
傳披閱心胸廓

蓼花風

秋潭徹底清岸蓼紅低映西風水面來娉婷舞
腰競蒼茫蘆葦花寂寞菱荷柄日落晚煙橫韻
寫寒芳淨

寄遠曲

樂善堂全集 卷二十七
霜刀誰剪鴛鴦翅連理枝分生各異牘有濤牋
付錦鱗開緘滿幅相思字十分愁恨十分癡猶
憶深閨爲畫眉相見幽懷尚沉結萬里迢迢那
得知

有所思

置酒高堂上聽歌有所思所思在何處迢遞天
之涯有惠雙南金不如心相知南金用有盡相

知無已時眄彼中庭樹忽生連理枝連理非爲
貴所貴不相離同心而契濶咄哉徒含悲

秋荷曲

露光溥溥白於水平湖一夜芙蓉紫誰採殘花
驚宿鷗美人弄權傷心視可憐霞錦捲西風轉
眼明粧曉夢中餘芳寂寞休惆悵曾過繁華九
夏紅

月夜廬洲

似雪蘆花滿洲渚搖曳西風夜深語喚迴清夢
水亭幽秋色秋聲迷處所清光瀲灩月在江隱
映漁舟過寒浦

雲臺歌

紫氣欲奪炎天赤南陽布衣提三尺昆陽一戰
掃豺烽洛中布治敷天澤攀龍附鳳爲侯王二

十八將名煌煌中興功烈資贊襄雲臺圖貌千
秋揚君不見淮陰菹醢英彭死子房從遊赤松
子何似榮名保始終卓哉君臣能濟美

除架

白露零場圃瑟瑟西風寒可憐舍甲蔬生意忽
摧殘垂架青青葉引蔓已半乾呼僮爲除治蕭
然景物闌猶喜遠山翠乍入疎窻觀無須感代

謝漫愁乏盤餐冷畦旋種韭會當凌霜攢

秋原草

迷離鋪翠露珠濕村郊寒飈西風急錦蹊繡阪
憶春遊秋光滿目扶筇立霜林葉落疊殷紅猶
疑紫艷堆芳叢寒雀成羣噪新霽平原晚景煙
濛濛

漁舟唱晚

蒹葭戰夕風明霞入澄水罷釣盪漁舟欵乃波
面起雲山列遠屏坐卧鏡光裏孤篷掛玉鈞濁
醪宴妻子短笛咽涼颼詎解調宮徵秋來景寂
寥漁樂獨無比

秋浦泛舟

西風拂水煙波綠櫂過寒溪三四曲采采蒹葭
颭白花臨流驚起雙鷗浴雙鷗忽入芰荷叢可

樂善堂全集 卷三十一
憐寂寞餘殘紅錦帆畫舫披薰風猶憶競渡誇
天中轉眼秋湖明似鏡雲山倒影澄波靜岸柳
寥蕭咽晚蟬艤舟月掛孤篷正

高其佩指頭畫魚

玻璃幾頃孤煙橫修鱗數尾不辨名晴光蕩漾
耀金碧泳游波面依浮萍誰知瀟灑濠梁興付
與一指傳其生掛壁滄浪秋意渺彷彿當年在

藻情

有初行

君不見晉武曾焚雉頭裘平吳還駕羊車遊又
不見明皇珠玉焚前殿太真寵盛長夜宴人心
靡不有其初幾見歷久常不渝當時焚寶博虛
譽誰知欲熾翻焚軀漢文却馬輕千里崇尚節
儉輝青史不聞號令付炎官祇覺中心淡如水

樂府詩集卷之三十一
八月三日作

金烏纔西下歸鳥集疎林乍見中秋月弄影清
池深徘徊倚石欄閒望杼清吟却憶去年秋今
夕送知音癸丑年八月三日平邊陲渺天末颯
沓霜風侵撫景懷契濶躊躇思不禁南仲方出
車頡利未生擒月明人盡望壯士秋思沉我方
宴卧餘風景聊追尋夜深蛩語咽涼露濕衣襟

仲秋曲

銀壺滴滴更漏長疎梧月影含秋光夢迴幽枕
蛩響切曉看殘荷露氣涼蓼花翻風亞洲渚驚
起賓鴻飛別浦一聲孤唳碧天高二十四絃調
玉柱

夜聞覺生寺鐘

紗牖度涼颺桐枝弄疎影睡鴨篆紋消一榻深

宵冷忽聞野寺鐘十里傳音永不知十方界誰
歎發深省

桑條韋

桑條韋繼斌媚娘一朝封劍斬五王後車仍蹈
前車轍可憐唐室多專房本爲相憐更相倚誰
知禍在椒房裏神龍餒餅不可言總爲龍裘欲
加已嗚呼開創事亦難太宗圖治頗英賢惜哉

家法未盡美致令女禍相連綿

遊西海

輕舸盪入蒹葭叢波澄西海連長空雲山倒影
弄明媚寂寞殘荷搖晚紅蕭齋習靜過三伏今
日扁舟晚景逐煙汀沙渚轉蒼茫却憶薰風吹
岍綠

南苑雨中卽景

樂善堂全集 卷三十一
蕭蕭綠槐枝徹夜滴疎響檐頭喚曉頻野雀三
與兩閒從閣道行金風透颯爽含潤草猶芊凌
寒菊初放墻外馬聲嘶悠然動遐想

雙柳樹

雙雙高柳拂長空繁枝低亞相青葱不知植此
者誰氏秋來疎葉凌西風露浥平原獵騎出得
意誰知消歲日南苑徘徊雙鳥飛煙柳蕭條僅

存一漫言草木本無情可憐獨樹傷無朋寒郊
彷彿靈和殿月上空餘子影明

海子外行圍

朝霧歛秋空遙天白如水獵騎出郭門寒郊行
邈迤箭逐雙雕飛鷹伺羣雉起相逢倚杖翁農
話斜陽裏悠揚墟里煙淡掛疎林紫歸鞍拂晚
風獵罷心猶喜

鷹搏兔

風吹衰草寒颼颼蒼鷹在臂凝霜眸瞥然狡兔
走平疇三窟已失空含愁高盤雲翮孤星流厲
爪下擊勢更遒怒氣一奮誰能收嗟彼韓盧有
技徒增羞嗚呼汝鷹性匪柔却邀富室千金求
古來英鷲半埋沒凡雀嘈沓何其稠

南紅門捕魚

煙蓼亞寒汀澄波漾秋浦垂綸玉鏡明潛鱗堪
指數蕭然秋意深數聲離岸櫂漁笛橫西風雲
山入新譜

寄衣曲

夜涼漏永聲瑟瑟征衣自裁還自縫素絲牽恨
紛難理銀釭照淚闌干紅香闥無那秋蕭索頻
憶龍堆朔風作及時遙寄禦君寒只恐到遲君

不著

江城如畫

蓼波淡孤煙瑟瑟寒江景雉堞枕碧流蕭寺鐘
聲靜渡口霜跡多凌晨呼舴艋鴻名逐頽波鴈
塔留倒影一幅圖畫看何人夢中醒

樂善堂全集卷二十七



樂善堂石印

卷二十七

三

